

Universitätsbibliothek Paderborn

**De Prudentia Et Cæteris In Confessario requisitis ad ritè
fructuoséque Diuini ministerij sui munera obeunda,
Tractatvs**

Regnault, Valère

Lvgdvni, 1611

Tertia pars capitis, in qua traduntur documenta per quæ cognoscendum
est, quæ lex humana obliget ad peccatum mortale.

urn:nbn:de:hbz:466:1-41341

Tertia pars capituli, in qua traduntur documenta, per quae cognoscendum est quae lex humana obliget ad peccatum mortale.

S V M M A R I V M.

11. Lex humana potest dupliciter diuinam ad mortale obligantem in se continere, indeque ad mortale obligare.
12. Obligat sub mortali cum editur in materia graui à superiori intendente eiusmodi obligationem imponere.
13. Sine graui materia, principis voluntas non sufficit ad hoc, ut lex humana obliget sub mortali.
14. Obiectio in contrarium cum solutione.
15. In qua materia graui lex humana ut ad mortale obliget, requirat aut non requirat legislatoris voluntatem taliter obligandi.
16. Extra casus etiam contemptus, & scandali, legem humanam obligare posse ad mortale: non modo Ecclesiasticam, sed etiam ciuilē.
17. Ex quibus cognoscatur legislatoris intentio obligandi ad mortale.
18. Ratio qua cognoscitur ex consuetudine.
19. Quo modo ex verbis legis cognoscenda sit.
20. De pœnis spiritualibus, quae per leges impo-sita indicant ipsam sub mortali obligare.
21. Quod pœna ciuiles non sint sufficiens signum talis obligationis.
22. Solutio obiectorum in contrarium.
23. Verba præceptiva de se non indicant sufficienter, leges et continentis obligare ad mortale.
24. Exceptio in lege Ecclesiastica secundum Nauarrum.
25. Eiusdem exceptionis moderatio.
26. Quod verba præceptiva non obstant, quin lex Ecclesiastica benignam admittat interpretationem, qua censeatur non obligare

ad me
confir
iection
obliga
ipsum

P R
ob
uinur
niunt
quia
ad me
Pro il
citer p
tineat
illud,
quoq
met:
ius tra
est ca
haben
autiu
net le
grau
mam
illud
de pug
datur
dum
transg

ad mortale. 27. Id exemplo declaratur, & ratione confirmatur. 28. Qua ratione responderi possit obiecione factae in contrarium. 29. Legis humanae obligatio cessat cessante causa ipsius. 30. Circa id ipsum quedam pro praxi notanda.

*Primum documentum de lege humana
includente diuinam.*

Primum documentum est: legem humanam obligare ad mortale cum in se continet ius diuinum obligans ad mortale. In hoc omnes conueniunt, neque de eo dubitandi causa esse potest; quia si ius aliquod diuinum sine humano obliget ad mortale, multo magis obligabit ei coniunctum. Pro illius autem explicatione notandum est duplum posse contingere, ut ius humanum in se contineat diuinum: Primò ex parte materiae, quando illud, quod prohibitur lege humana, prohibitur quoque lege Dei, vel expressè, ut ne quis blasphemet: vel tacite, ut quando lex humana talis est, cuius transgressio infert graue damnum proximo, vel est causa magni scandali, vel pro principali causa habet contemptum superioris, vel est contra votum, aut iuramentum transgressoris. Tunc enim continet legem Dei obligantem ad mortale, quia inferre graue damnum proximo, per antea traditam primam regulam; aut illum grauiter scandalizare, per illud Domini Matth. 18. *Qui scandalizaverit unum de pusillis istis qui in me credunt, expedit ei ut suspendatur mola asinaria collo eius, & mergatur in profundum maris.* aut in contemptum superioris legem transgredi, per quintam regulam postea tradidam:

Ius huma-
num potest
continere
diuinū du-
pliciter.

M 5

aut demum votum , aut iuramentum violare , per secundum præceptum decalogi , peccatum est prohibitum lege diuina obligante ad mortale .

Secundo modo potest contingere ex parte finis , in quem lex humana dirigitur : quādō is est aliquid iuris diuini obligantis ad mortale ; ratione cuius obligationis , transgressio dictæ legis humanæ peccatum est mortale , si illa eo consilio admittatur , ut talis finis impediatur . Exemplum est , cūm quis ideo non vult missam in die festo audire , quōd nolit vacare Deo , nec ei cultum debitum exhibere . Idem iudicandum est , quoties peccatur , ut impedimentū adferatur charitati , quæ est præceptorum omnium finis communis . Rationem adfert Caietanus in summula , verbo præceptum , quia transgrediens hoc modo præceptum humanum , proportionaliter se habet ad finem eiusdem præcepti , sicut transgrediens illud ex contēptu , se habet vel ad idipsum præceptum , vel ad præcipientem : ytpote qui finem præcepti respuit , sicut alter respuit præceptum .

*Secundum documentum de lege humana
edita in materia graui.*

^{12.} Secundum documentum est legem humanam ad mortale obligare , quæ à legislatore edita est in materia graui , cum voluntate obligandi ad mortale . In hoc perinde ac in præcedenti omnes Catholici conueniunt . Cūm enim consentiant legem humanam posse habere vim obligandi ad mortale , ut in præcedenti parte huius capituli annotatum est negare nequeunt id ei usuuenire maximè in materia graui , & quando legislatoris voluntas est , taliter obliga-

obligare. Ad pleniores autem illius intelligentiam Materia le-
notandum est prius materiam legis duplice cen-
seri grauem: uno modo ex se, suoque genere: quan-
do scilicet transgressio eiusdem legis a quocumque
fiat, iniuriam ac detrimentum notabile adfert: alte-
ro modo ex relatione ad bonum communem, nempe
quando transgressio legis, si ab uno, vel altero fiat,
parum tantummodo nocere potest (quo nomine
eiusmodi lex censetur esse in materia leui ex suo ge-
nere) sed si fiat ab omnibus, vel a pluribus, infert
graue detrimentum reipub. vnde ea ipsa lex habet
ut censeatur esse de facto in materia graui. Exemplo
sunt transgressiones legis ciuilis, qua prohibentur
pecuniae exportari extra regnum: & legis Ecclesiae-
sticæ, qua Clerici prohibentur venari, aut qua iu-
les & Eccle-
bentur ferre tonsuram, & vestem Clericalem. Nam
pecunias aliquas ab uno, vel altero exportari extra
regnum, non potest de se magnum ei afferre nocu-
mentum: exportari autem ab omnibus communi-
ter, vel a pluribus, potest eidem grauiter nocere: quia
sic exhaustur pecunii. Similiter Clericum unum,
vel alterum venari, aut habitum & tonsuram Cle-
ricalem non ferre, haud magnum infert damnum
Ecclesiæ: sed omnes venari, vel nullum eorum ton-
suram, & habitum Clericalem ferre, grauiter nocet
Ecclesiasticae disciplinae.

Notandum est secundò, ut lex humana obliget ^{13.}
ad mortale, grauitatem materia debere necessariò
concurrere cum legislatoris voluntate. Vnde si con-
stituerit eam esse conditam in materia neutro dicto-
rum modorum graui; constabit quoque non obliga-
re ad mortale quemque fuerit voluntas legis-
latoris: quia lex condita in materia in utroque co-
dem

Leges ciui-
sticæ, qua Clerici prohibentur venari, aut qua iu-
les & Eccle-
bentur ferre tonsuram, & vestem Clericalem. Nam
pecunias aliquas ab uno, vel altero exportari extra
regnum, non potest de se magnum ei afferre nocu-
mentum: exportari autem ab omnibus communi-
ter, vel a pluribus, potest eidem grauiter nocere: quia
sic exhaustur pecunii. Similiter Clericum unum,
vel alterum venari, aut habitum & tonsuram Cle-
ricalem non ferre, haud magnum infert damnum
Ecclesiæ: sed omnes venari, vel nullum eorum ton-
suram, & habitum Clericalem ferre, grauiter nocet
Ecclesiasticae disciplinae.

dem modo leui: seu (quod idem est) disponens de-
nec magni mometi, nec multum necessaria reipub.
(prout contingit cum transgressio illius nec ex se
nec ex ordine ad bonum commune, nata est affer-
re notabile detrimentum) non potest sufficientem
habere causam imponendi obligationem ad mor-
tale: vt Alphonsus à Castro in lib. 1. de lege pœnali
recte ex eo confirmat, quod alioqui peior, miserior
que esset in hac vita subiectio animæ, quam corpo-
ris, nam lex humana nequit hominem pro re leui
ad mortem corporalem obligare: adeo vt ille vere
tyrannus haberetur, qui talem constitueret legem.
imponentem inquam, capitibus pœnam pro re leui
multò igitur minus obligare poterit ad mortem spi-
ritalem, seu damnationem æternam, quæ infinitus
partibus grauior est: præsertim cum omnis legum
condendarum potestas principibus tam Ecclesi-
sticis, quam sæcularibus concessa sit in subditorum
bonum, non in perniciem, & animarum laqueum.

Si obiicias ex leg. 1. ff. de constitut. principum
quod Principi placuit, legis habere vigorem: respondet
Alphonsus, id esse intelligendum, si iusta adsit vo-

Principis luntas: alias solam voluntatem principis sine causa
voluntas si legitima, non posse aliquem obligare in consciencie
causa le- tia: quia iure naturæ quisque à tali obligatione ex-
gitima non potest in cō miratur, cum sit contra rectam rationem. Quæ vero
sciëtia obli- iuris naturalis existunt, principi non licet tollere, ex
gare. Clemen. Pastoralis. de senten. & re iudicata. §. Cx.
erum.

Si secundò obiicias ex Cajetano in Summula,
verbo præceptum: in iure Canonico esse quedam
præcepta minima, seu de re leui, sub mortali impo-
sita; quale est in extrauag. communi detestanda. de
sept.

sepult. De cadaueribus non exenterandis, & in frusta cōcidendis, ut ad alia loca trāferantur. Ea enim exenteratio & cōcisio res est de se non magni mōmenti, & nihilominus prohibetur sub pœna excommunicationis maioris, & ideo sub peccato mortali, cum excommunicatione maior imponi possit tantūm ob mortale, ex cap. Nemo Episcoporum 2. quæst. 3. Respondendum est talia præcepta propterea dici minima, quod dentur de re leui ex suo genere. Ipsa autem sub mortali imponi ob aliquam eiusmodi rei circumstantiam, per quam ea sic aggrauatur in ordine ad commune bonum; ut superiori sufficien-
tē præbeat causam præcipiēdi sub mortali: prout in casu proposito præbuit, quod eiusmodi exente-
ratio, & concisio abiisset in consuetudinem: quæ
mentes fidelium horrore commouebat, & pertur-
babat auditum, ut sub initium memoratæ extraua-
gantis habetur.

Præbet similiter caritas annonæ facultatē præci-
piendi quoque sub mortali, ne ex urbe frumentum
efferatur, id quod est alioqui ex se leue: seu naturā
suā nulli iniuriosum. Similiter bellum ingruēs, præ-
bet materiam præcipiendi, ut ciues sumant arma,
& portas ciuitatis custodiant, quod aliās est quid ex
se indifferens. Quam responsionem Alphonsus lo-
co citato insinuauit, cùm postquā colligit ex antē
dictis, perperam eos religionum prælatos sentire,
qui putant se posse ad mortalem culpam obligare
subditos, ob solam silentij violationē, aut ob solam
vniuersitatis mandationem sine licentia, aut ob
aliud simile, quod ex se parui momenti sit, nec pos-
sit grauiter religioni nocere: subiungit posse his re-
bus paruis talem, tamque grauem circumstantiam
coniungi

coniungi (vt graue scandalum religionis, aut magna occasionem transgressionis votorum) quod meritò prælatus possit, res eiusmodi prohibere sub interminatione gehennæ.

^{15.} Lex humana eo ipso quod fertur in materia graui priore modo, obliga quod fertur re ad mortale: etiamsi legislator non habuerit intentionē taliter obligādi. Ratio est, quia ex voluntate quidē legislatoris pēdet præcipere, aut nō præcipere; tamē posito semel præcepto, vis, & quantitas obligationis spectāda est nō ex illa volūtate, sed ex naturali iure quo patendum est superioribus, secundum rectam rationem præcientibus, & ex rei qua præcipitur, grauitate. Sicut enim superior non potest in re leui dare præceptum obligans ad culpam mortalem, vt habitum est antea: ita nō potest in re graui dare, obligans solummodo ad veniale. Id quod declaratur exemplo vouentis aut iurantis se aliquid magni momenti facturum: qui ex naturali lege de voto, & iuramento seruando, & ex materiæ grauitate tenetur sub mortali illud implere, non obstante quod in potestate ipsius fuerit non vene re, aut non iurare. De quare pluribus Gabriel Val-

& disput. 158.

cap. 4.

c in relect.

de potestate

civili nu. 19.

d merit. cap.

s. docum. 4.

quez ad 1.2.D. Thomæ. b

Quod verò non sufficiat legem humanam conditam esse in materia posteriore modo graui ut censetur obligare ad mortale (quamvis contrarium infirmet Fráscus à Victoria c, dum absolvit dicit legem humanam in materia graui obligare ad mortale, & in leui solum ad veniale) sed simul requirat, vt à legislatore condita sit, cum iusta voluntate imponendi talem obligationem, vt docet Alphonius: d ex eoque constat quod alioqui faten-

dum
oblig
mater
anted
oblig
esse in
qua tri
notab
mana
oblig
modo
rē hu
nullu
reipub
repete
tentio
tantū
modi
mus in
inten
gnū
taliter
reipub
pressi
ad ve
non p
quide
tuatu
ue m
faridē
poner
ofenc
ration

dum esset, hominem legislatorem sua lege semper obligare ad mortale, quoties ipse potest: cum in materia leui numquam possit. Si opponas, videri antedictis repugnare, quod lex in materia graui obliget tantum ad veniale; respondetur antedicta esse intelligenda de materia graui priore modo, in qua transgressio legis, etiamsi tantum ab uno fiat, notabile infert damnum; quo nomine talis lex humana censenda est diuinam includere ad mortale obligantem: hic autem agi de materia secundo modo graui: in qua transgressio legis, quae fuerit pure humana, si ab uno vel altero, vel a paucis fiat, nullum afferat notabile detrimentum; licet afferret reipub, si a pluribus fieret, aut ab eodem nimium repeteretur. Lex igitur posita in tali materia, ex intentione tantum legislatoris obligat ab culpam seu tantum venialem, seu etiam ad nullam, sed tantummodo ad pœnam temporalem, iuxta ea quæ tradimus in praxi par. 3. to. 1. lib. 3. e ita ut lata lege cum intentione obligandi ad mortale, ne quis extra regnum pecuniam exportet, exportans peccet mortaliter, etiamsi ea ipsius exportatio parum noceat reipub. prout loco citato Franciscus à Victoria expressit: lata verò cum intentione obligandi tantum ad veniale, aut tantum ad pœnam temporalem, non peccet plusquam venialiter, aut ne venialiter quidem, sed tantum reus pœnae temporalis constitutatur. Iam verò, quod talis obligatio ad culpam siue mortalem siue venialem, non requirat necessariò expressam intentionem legislatoris talem imponendi, sed sufficere possit tacita, in eodem loco ostendimus: ad hunc verò locum spectat propriètatem tradere cognoscendi an legislatoris inten-

tio

*e traet. 4 tit.
1. cap. 3.
quaest. 3.*

192 III. Documentum de lege humana
tio fuerit obligandi ad peccatum mortale, de quo
subjiciendum est documentum.

Tertium documentum de lege humana prout
obligatio illius pender ex sola legislato-
ris voluntate.

DOCUMENTO tertio, quo traditur ratio cognoscendi legislatoris siue expressam siue tacitam intentionem obligandi ad mortale: duo praemittenda sunt.

f cap. 23.
nu. 55.

g nu. 10.
Leges ciui-
les possunt
obligare ad
mortale.

h quæst. 6.
art. 4.

Prius est meritò Nauarrum in Enchir. f improbare quod Imola, Felinus & Caeteranus sentiunt leges humanas non obligare per se sub mortali secluso contemptu, vel scandalo. nam id nequeunt assertere ob defectum potestatis in legislatore, in quo aliquam esse ad obligandum sub mortali patet ex habitis in hoc eodem cap. 5. g eamque non definitam ad duos tantum illos casus, ut constat ex communia existimatione fidelium, qui leges aliquas humanas secluso etiam contemptu, & scandalo censem ex iuxta superioris voluntate, obseruandas esse sub mortali: vt leges de quadragesimali ieiunio, de annali confessione & communione: de Missa in die festo audienda, nec item possunt id assertere ob voluntatis defectum, quia impossibile est scire, quod superiores numquam velint (cum possint sua lege obligare ad mortale).

Posterior est leges ciuiles, sicut & Ecclesiastica obligare posse sub mortali (quidquid contra insinuet Sotus in lib. 1. de iust. & iure) h quando legislator id vult iusta intentione: hoc patet per illud, quod

quod de lege humana in genere ostendimus i. eam i. in cit. cap. in conscientia obligare ex iusta intentione legisla- 3, quæst. 2.
toris. Quod etiam Alphonsus à Castro in lib. 1, de
lege pœnali, & Nauarrus ad cap. fraternitas. 12, qu.
2. docent hac potissimum ratione: quod magistra- k ille cap. 4.
bus in ordine ad rem publicam, debeatur perinde & hic nu. 17.
obedientia, immò etiam magis, quam parentibus
in ordine ad rem familiarem. Sed præcepta, quæ à
patre dantur filio in ordine ad rem familiarem, pos-
sunt hunc obligare ad mortale. Ergo præcepta, quæ
dantur à magistratu in ordine ad rem publ. poterunt
similiter obligare ipsius subditum. Consequentia
est manifesta. Maior probatur, quia quando pote-
states diuersæ sunt, & subordinatæ, potius supe-
riori, quam inferiori obediendum est. Potestates au-
tem patris, & principis sunt subordinatae, cum pa-
ter in rebus ciuilibus subdatur principi. Ergo filius
qui subditur utriusque, debet potius principi in re
ciuili, quam patri in re domestica obedire. Minor
autem ex eo patet, quod D. Paulus ad Rom. 1. inter
multa & grauia gentilium peccata (quæ ipse ibidem
enumerat) ponat parentum inobedientiam, & tan-
dem omnibus enumeratis dicat. *Qui talia agunt, di-
gni sunt morte:* quod idem est, ac omnia peccata il-
lic nominata, atque adeo inobedientiam paren-
tum esse mortalia.

Quibus ita positis hoc tertium documentum 17.
statutur. An intentio legislatoris ferentis legem hu-
manam, fuerit ut ea ipsa lex sub mortale obligaret,
cognosci primò & præcipue ex legislatore ipso, si
perspicue eam esse suam intentionem declareret:
itemque si legem ferat absolute in materia graui:
nec villo verbo, aut signo, alióve modo declareret

N

se non habere intentionem obligandi in conscientia. Tunc enim locum habet illud Sotii 1, pro ratione materiae iudicandum esse legem ex parte legislatoris obligare in conscientia sub veniali vel sub mortali peccato. Et confirmatur quia cum legislator ipse non limitat usum auctoritatis sua, consenteaneum est simpliciter iudicare quod ex tota auctoritate sua legem condat, eique obligandi vim quam potest, tribuat. In graui autem materia potest ad mortale obligare, sicut in leui ad yeniale per ante dicta.

Deinde cognosci potest ex consuetudine, optima legis interprete, per quam lex ipsa humana maiori saltem parte populi obseruatur, tamquam obligans ad mortale; ut solent consuetudines ex quibus obseruantur leges de iejunio quadragesimali, de facienda peccatorum confessione semel in anno, de sumenda Eucharistia in Paschate, nonnullaeque aliae: In quibus consuetudinibus diiudicandis, & discernendis ab iis, quae non obseruantur tamquam obligantes ad culpam, saltem mortalem (qualis est consuetudo dicendi salutationem Angelicam, cum ad eam ter in die signum datur) standum est existimationi, & iudicio prudentium, ac bonorum virorum: sicut & in discernendo utrum lex aliqua obliget sub veniali tantum, vel nullo modo ad culpam. Quod si neutro duorum istorum modorum constare possit, an lex ad mortale obligat necne, recurrentum est ad verba illius, de quibus dantur documenta tractata à Nauarro in Enchirio, quae consequenter ponuntur.

m ca. 23. nu.
49. & aliquot sequ.

Qua
tale c
hibit
quor
Castr
ubeo
lentia
non li
ista :
muis f
villar
cund
aut p
serua
aucto
lunta
victio
illam
Sotu
catu
ba, ne
oblig
aliqu
tinea
etian
proh

Quatum documentum de ratione cognoscendi
ex verbis legis humanae, an legislatoris
intentio fuerit per eam obligare
ad mortale.

Q Vartum igitur documentum est, leges huma- 19.

nas, etiam Canonicas non obligare ad mor-
tale cùm non habuerint verba præceptiva, vel pro-
hibitiua, sed tantùm ordinatiua, vel constitutiua:
quorum illa sunt (vt notatum est ab Alphonso à
Castro in lib. 1. de lege pœnali n.) præcipio, mando,
iubeo, prohibeo, inhibeo, veto, interdico, & his æquiua-
lentia, vt ista, debeant, necessariò teneantur, necesse est,
non licet, non potest o: hæc verò ex eodem ibidē sunt
ista: decernimus, statuimus, ordinamus, volu-
mus, sancimus: & alia etiamsi imperatiui modi sint, Alphonsum
vt illa, facite, dicite, faciant, dicant, & similia quæ se-
cundūm intelligentiam communem præceptum

aut prohibitionem minimè significant. Cuius ob-
seruationis rationem reddit Nauarrus p, quia licet
auctor talis legis per eiusmodi verba significet vo-
luntatem suam esse, vt illius transgressio sit actus
vitiosus, cùm antea esset indifferens (sicut & actus
illam obseruandi est ex indifferenti actu virtutis, vt
Sotus bene notauit q) & consequenter vt sit pec- q in eod.art.

catum saltem veniale; attamen quia per eadem ver- 4.
ba, nec præcipit, nec prohibet, significat se nolle
obligare ad mortale, nisi forte lex ipsa contineat
aliquid præsupponēs peccatum mortale, vt si con-
tineat pœnam excommunicationis maioris; quia
etiamsi tunc non sit lata per verba præceptiva, aut r in sequen.
prohibitiua: tamen (vt Nauarrus notat r) censeri au.53.

ⁿ cap. 5. do-
cum. 4.

^o Nauar. in
citato c. 23.
nu. 51. cōtra
addit opor-
tet.

^p ibidē nu.
49.

Qui vult
aliquid, etiā
id vult, sine
quo illud
esse nequit.

debet voluntate legislatoris obligare ad peccatum mortale, cùm iuxta cap. Præterea. de officio delegati:is qui vult aliquid, censemur etiam velle aliud, sine quo illud esse nequit.

*Quintum documentum, de pœnis, quæ in hu-
mana lege indicant eam obligare
sub mortali.*

10. **I**ndicatur autem lex continere aliquid præsupponens peccatum mortale primò cùm fertur sub pœna indignationis Dei, vel maledictionis æternæ. Hanc enim nemo incurrit, nisi in statu peccati mortalis: deinde cùm præcipitur, ut transgressor imponit non absoluatur, vel ad alium mittatur pro absolutione Sacramentali: quia nulli neganda est talis absolutio, nisi pro peccato mortali. Præterea si talis lex ponatur in materia, in qua lex altera obligat ad mortale: quia tunc si non ratione sui, saltem ratione illius alterius quam continet, obligabit ad peccatum mortale; demum quando transgression lex imponit pœnam, quæ non nisi ob peccatum mortale incurritur: quales sunt (prout loco citato Alphon. à Castro meminit) priuatio sepultura Ecclesiastice, degradatio, & excommunicatio maior, siue ipsa sit latæ sententiæ, ipsoque facto incurrida: siue sententiæ ferendæ, ac tantum cominimatoria: 186. art. 9. quod expresserūt Syluester in verbo præceptum, & Caietanus 22. s approbatque Nauarrus, t quia nullum peccatum nisi mortale causa est sufficiens feriendi aliquem excommunicatione maioti, ex cap. Nemo. & cap. Nullus 2. quest. 3. Quanquam tamen tandem. vt Caietanus ipse habet in Sumula, verbo Clericus, & appro-

& approbat Alfonius, & Nauarrus si excommunicatio quam lex imponit, tantum sit comminata, necdum per sententiam Iudicis fulminata, transgressor talis legis non est ex ea pena iudicandus peccare mortaliter, quousque transgressio peruererit eod, ut ille resistens monitorio, tamquam plenè inobediens sit dignus excommunicari. De qua relatè Suarez tomo 5. disput. 18. sect. 3. à nro. 20.

Exemplum est, si lex sit, ut Clericus comam nutriens excommunicetur. Is enim non peccat mortaliter talis legis transgressione, quousque monitus persevereret in ea: quia tunc solum tamquam plenè inobediens, est excommunicatione dignus.

De pœnis irregularitatis, suspensionis, & interdicti, difficultas est, de qua auctores, & rationes in utramque partē adferunt Gabriel Vasquez ad. 1. 2. D. Thomæ disput. 158. Cap. 4. nro. 46. & sequent. affirmantemque contra Nauar. sequitur cum Sylvestro, & Medina, nempe cùm infligantur à lege ob peccatum, eas sufficiens signum esse, quod tale peccatum sit mortale. Nam cùm sint graues pœnæ, quæ remedium habent difficile, ut patet ex iis quæ communiter traduntur de illarum relaxatione: causæ ob quas imponuntur debent esse graues, atque adeo si illis sint peccata, debent esse grauias.

Potro quod ad tales pœnas (quæ cum spirituales sunt, imponi tantum possunt ab Ecclesiasticis prælatis, per spiritualem, quam habent, potestatem) Alfonius adiūxit mortem, carcerem perpetuum, confiscationem omnium bonorum, & infamiam: quæ possunt à magistratibus secularibus imponi tamquam signa sufficientia legis obligantis ad mortale: reiicitur per illud quod Nauar. in Enchir. cap.

" Locus cit. quibus as- sentiēs Vas- quez ad 1. 2. disput. 158. cap. 5. mo- net, cùm lex fertur abso- lutè sub pœ na excom- municatio- nis commi- natæ, non intelligi pre- mittendam esse moni- tionem, nisi id exprima- tur in ipsa lege. Ratio est quia ea- dem ipsa lex alioqui, de se satis admonet.

23.nu.55.& aliquot sequentibus confirmat: ex pœna temporaria, quam lex humana imponit, non duci argumentum sufficiens ad ostendendum in dubio, obligationem illius esse ad peccatum mortale; ne si quidem (vt ille in nu.57.expressit) sunt ille graues memoratae ex ipso Alphonso: nisi aliunde ex aliquo certo signo constet legislatorem voluisse eiusmodi legem pœnalem subditos obligare, non tantum ad temporalement pœnam subeundam, sed etiam ad reatum peccati mortalis; nempe si lex Ecclesiastica pœnam spiritalem quæ non nisi ob mortale incurritur, imponat simul cum temporaria; aut lex ciuilis lata à principe, cui subditi obedientiam, & fidelitatem iurarunt (sicut plurimum solent Christiani 15.quæst.6.Cap.2.& sequentib.) si feratur iniungendo vel inhibendo aliquid, in virtute præstii iuramenti, addita pœna aliqua temporaria transgressori. Illa autem confirmatio Nauarri a est, tum ex cōsuetudine, & existimatione cōmuni hominū, qui siue nobiles, siue plebeij, siue docti, siue indocili persuadent sibi legislatorem ad eam tantum pœnam temporalem obligare voluisse, quam solam expressit: neque ad spiritalem peccati mortalis extendisse intentionem suam, quando nullum eius rei exhibuit certum signum: tamquam putans eam pœnam temporalis comminationem satis fore ad deterrendum subditos à legis suæ transgressione: Tum ex auctoritate eorum, qui asserunt legem purè pœnam non obligare ad culpam; quorum sententiam secuti sumus in praxi fori pœnitentialis par.3. tomo b tract.4. sit. 1.lib.3.b ex qua sequitur, pœnam lege humana impositam, non modo non esse de se sufficiens signum obligationis illius ad mortale, sed nec sufficiens est ad

se ad obligationem ad culpam, siue mortalem, siue
veniale. Tum deinceps ea ratione; quod lex in du-
bio accipienda sit secundum eum sensum, qui est
minus pœnalis, iuxta cap. In pœnis. de regul. iuris
in 6. & legem Si præses, & legem De interpretatio-
ne ff. de pœnis. Quando igitur lege pœnam tempo-
ralem imponente, nihil datur, ex quo intelligatur
obligare ad mortale; ea sic accipi potest, ut censea-
tur talem obligationem minimè continere: præser-
tim cum ille qui de duabus propositis vnum affir-
mat, alterum negare videatur, ex cap. Nonne. de
presumptionibus: ideoque legislator qui ad pœ-
nam æternam, & ad temporalem obligare potest;
hanc interrogando, videtur illam, de qua penitus ta-
cet, excludere.

Sed duo obiici possunt: alterum, quod sit mor-
tale obijcere se probabili periculo amissionis vitæ,
aut alicuius membra. Eum autem qui transgreditur
legem imponentem transgressor mortis, vel muti-
lationis supplicium, exponere se tali periculo. Alte-
rum est, quod talis lex iniusta esset, tam grauem
constituens pœnam, ob actum, qui non sit pecca-
tum mortale. Priori autem Nauarrus occurrit: esse
quidem peccatum mortale exponere se temere
probabili periculo mortis vel mutilationis, quia
violatur quintum decalogi præceptum: sed trans-
gredi legem quæ mortis, vel mutilationis pœnam
imponit, non esse de se tali periculo se expōnere: vt
argumento est quod possit quis tanta cautione eiuf-
modi legē violare, ut nō incurrat in probabile peri-
culū pœna ab ea constitutæ. Posteriori verò pœna iu-
stè constitui non tantum proper culpam, sed etiam
propter causam seu propter omissum aliquid neces-

Lex in du-
bio accipi-
da est in eo
sensu, qui est
minus pœ-
nalis.

sarium, aut valde vtile ad communem reipub. bo-
num: à qua omissione legislator velit subditos reu-
care, solius grauioris pœnae temporalis metu: quo
modo Nauar. ait aliquot exercituū c. ductores suo

tempore laudatos fuisse, quod propter minima fur-

ta, morte affecerint aliquos milites, ad militarem
disciplinam conseruandam. Quibus obiectionibus
addi posse videretur impositionem pœnae tempo-
ralis per legem, indicium esse, quod legislator eam
ferens voluerit obligare subditos, quam seuerissi-
mè potuit, atque adeo ad peccatum mortale. Sed
necessarium non est id sentire: quia cum pre-
mendum etiam sit, legislatores velle suauiter, &
quantum res patitur, sine periculo animarum gu-
bernare subditos: coniucere possumus dum leges fe-
runt communias pœnas solummodo tempora-
lis; ipsos existimare satis fore prospectum bono
communi per easdem suas leges, si eae ad pœnam lo-
lummodo temporalem obligent, neque intentionem
habere ad quid amplius obligandi.

*Sextum documentum, de vi verborum præcep-
tiorum consideranda in lege humana,
ad iudicandum an hæc obliget
sub mortali.*

23. **S**extum documentum est. Nullum verbum in
Verba non lege quantumvis præceptuum vel prohibi-
obligant ad riuum, per significatum quod ex i. sua impositio-
præceptum ne haber sufficienter ostendere, quod legislatoris
mortale. *anu. 50. &* intentio facit obligare transgressorum ad pecca-
51. tum mortale. Itud post Caiet. Nauartus d. confir-
mat ex

mat ex eo quod verba, *Precipimus, obligamus, mandamus, vetamus, inhibemus, prohibemus, debeat, obligetur, teneatur*: omnia, ac singula sint generalia, tam apta ad inducendam obligationem ad veniale, quam ad mortale peccatum. Nam ideo apta sunt obligationem inducere, quia sunt apta facere legem praeceptuam: quae in hoc a consultoria distinguuntur, quod inducat obligationem ad aliquid peccatum, & consultoria ad nullum: ut pote quae sit de bono, cuius contrarium non est malum, ut de virginitate in priore ad Corinth. cap. septimo, cuius contrarium in usu legitimi matrimonij, non est malum. Lex autem non obligat necessariò ad mortale, hoc ipso quod praeceptua est: quia lex de non men-
tiendo iocose absque damno alterius, aliæq; mul-
ta praeceptuæ, sunt ex communi Catholicorum sententia, nec obligant nisi ad veniale. Accedit quod ex sacra Scripturæ usu, ne ipsum quidem præcipiendi verbum denotet obligationem ad pecca-
tum mortale. non enim (ut recte ait Alphonsus e, cum e in supra
Christus Marci 8. præcepit discubere eos, quos cit. docu-
septem panibus refeatur erat: nec cum præcepit men. 4. s. 1. 2.
discipulis, ut paucos quos habebant, pisciculos ap-
ponerent; nec cum præcepit infirmis ab ipso cura-
ris, ut nemini dicerent, putandus est talibus præcep-
tis ad peccatum mortale obligare voluisse. Acce-
dit etiam, quod ex Aristotele in 6. Ethicorum præ-
cipere sit actus prudentiae; omnibus actibus bonis
communis: & ideo contrarius omnibus actibus ma-
lis, tam venialibus, quam mortalibus; ita ut ex vi si-
gnificationis, quam per primam suā impositionem
habet, possit indifferenter constituere legem præce-
ptuam sive ad mortale, sive ad veniale obligantem.

N 5

^{24.} Addit nihilominus Nauarriis, talia verba in lege Ecclesiastica, indicare conditorem ipsius habuisse animum obligandi transgressorem ad peccatum mortale: nisi quid in ea expressum sit quo contrarium sufficienter significetur: idque confirmat ex Clemen. Exiui de paradiso. §. Cùm autem de verborum signific. vbi habetur, S. Franciscum noluisse æqualiter obligare suos religiosos ad omnia, quæ regula ipsius continet: cùm ad quædam apponat verbum præcepti, vel ei æquipollens: quoad quædam verò, non apponat. Quæ ratio ut valeat, fatendum est Pontificem præsupponere tamquam manifestum, quod verba præceptiua, illisque æquipollentia in iure Canonico, vim habeant expiamenti obligationem ad culpam mortalem. Vnde sumpta est communis (teste Nauarro) Doctorum sententia: quod intentio cuiuslibet legislatoris Ecclesiastici vtentis in sua lege verbo præceptiuo, aut prohibitiuo (nisi contrariu sufficenter significetur per aliquod aliud indiciu) sit obligare ad mortale:

Intentio le-
gislatoris
Ecclesiasti-
ci vtendo
verbo præ-
ceptiuo
quæ sit.

^{25.}

f. disput.
158. c. 4.
g. cap. 5.
docum. 4.

maximè auté si tali verbo fiant additiones quæ insinuēt obligationis incremētū; ut si dicatur, *distrīctū p̄cipimus, arctē prohibemus: in virtute sancte obedientiæ p̄cipim⁹, sub obtestatione diuinī iudicij prohibemus.*

Quam Nauarri sententiā qui reiicere volet tamquam duriorem, & fundamentum multiplicandi leges ad mortale obligantes; atque adeo ne etendi quodammodo laqueum animabus, patronum habebit Gabrielem Vasquez ad primam secundā D. Thomā f. sed placet potius illam admittere cum restrictione: nempe ut ea non obstante, approbemus quod Alphonsus notat lib. 1. g. de lege pœnali cap. 6. ex eo quod verba præceptiua, illisque æquipollen-

pollentia in iure canonico vim habeant exprimen-
di obligationem ad culpam mortalem, non esse
inferendum in omnibus aliis statutis, idem etiam
semper vsuuenire: quia ut ostensum est antea, ne
quidem in lege diuina id perpetuum est. Præterea
existimemus legislatoris Ecclesiastici legem admit-
tere interpretationem benignam viri prudentis, de
pia præcipientis, vel prohibentis intentione præsu-
mentis ex iusta causa, quod non fuerit obligandi
ad mortale. Hinc (quod Caietanus notat) h[ab]etiam si b[ea]t. 2. quæst.
D. Augustinus in principio suæ regulæ dicat: hæc 186. art. 9.
sunt quæ ut obseruetis præcipimus in monasterio circa respō-
constituti: tamen non omnia quæ ipse subiungit, iu-
dicantur obligare ad mortale.

Deinde ut Driedo habet de libertate Christia- 26.
na: humana mandata, & statuta seu decreta, i pag. 174.
etiam vniuersaliter prolata, numquam ita generali-
ter intelliguntur, quin interpretationes, & condi-
tiones ciuiles, seu non duras intelligentias susci-
piant, prout sapiens rectè iudicabit: quantumuis mana sem-
sint iurata, aut in virtute præstiti juramenti impo- per conditio-
nates non duras susci-
tatiuxta illud quod in cap. 1. de iurefirando in 6. duntas susci-
definitur: iuramenta sub quacumque generalitate
præstita, vel præstanta super statutis, vel consuetu-
dinibus seruandis; ad licita, possibilia, & libertati
Ecclesiastice non obuiantia tantummodo extendi:
ipsoisque iurantes ad alia per præstationem iura-
mentu non teneri. Licita autem intellige cum eo-
dem Driedone, non omnia: sed ea quæ non sunt
abolita: quia licita, quæ per non usum abierunt in
desuetudinem; non intelliguntur generali statuto
comprehensa, ex ea parte, quæ per consuetudinem
contrariam abolita sunt: quæ statutum ipsum vim
suum

suam non retinet amplius : adeo ut intentio generaliter iurantis se alicuius collegij, aut communis statuta seruaturum, non referatur ad alia, quam ad licita non abolita; nisi is quoque expresse scienterque iuraret, se licita etiam abolita seruaturum.

27. In exemplum talis interpretationis civilis seu nonduræ, usurpari potest, quod idem auctor paulò superius habet: statuta, quibus rectores in universitatibus præcipiunt virtute præstiti iuramenti ut omnes intersint congregatiōnē à se in dictæ, aut Missæ solemni, aut aliud eiusmodi ; interpretanda esse præsumendo de pia intentione mandantis, quod in talibus non magni ponderis, id est, non admodum necessariis ad finem in quem diriguntur (qualis est rectori honorem, & universitati decorum deferre, cui sufficere potest notabilium aliquot personarum præsentia) nolit obligare ad reatum perjurij: sed solum velle revocare in memorā iuramentum præstitum; ne mandatum ipsius habeatur tamquam contempnendum : nam intentio alioqui esset irrationalis, quippe quæ esset obligandi ad mortale in leui materia. Secus foret autem in materia graui, prout idem auctor satis indicat, cum addit postea: Dum rector sigillatim singulos vocari facit, pro causa, & negotiis arduis, quæ merito exigunt præsentias, consensus, consilia, & deliberationes singulorum, non habentium legitimam abessendi causam: tunc mortalem culpam posse continere.

Præcepta in religione quæ ad mortale vim obligandi habent. Mitigari adhuc potest propositæ sententiae rigor de præceptuæ legis Ecclesiasticae obligatione ad mortale, per illud quod habet Caict. in summa, verbo præceptum. circa finem. In qualibet Ecclesia, seu religione illa tantummodo verba vim obtinere

præce

præcepti antonomasticè (id est obligantis ad mortale, vt ipsem ibidem circa principium interpretatur) quæ consueuerunt intelligi apud illos, habetive pro antonomasticè præceptis: quæ verò non consueuerunt sic intelligi (quandoquidem id argumento est vel non fuisse à superiore posita, vel non fuisse à subditis recepta, cum tam graui obligatione) non habere vim præcepti illius modi, etiamsi verba sint præceptiua; quæ accipi debent secundum communem vslum, receptamque consuetudinem: quæ facere potest, vt lex non recipiatur, vel recepta abrogetur.

Quod si obiiciatur Pontificem in citata Clem. 28. ostendisse rationem optimam interpretandi leges Ecclesiasticas, quoad earum obligationē sub mortali: vnde cùm ibi determinet ea, quæ in regula S. Francisci statuuntur per verba præceptiua obligare ad mortale; non videri consentaneum, vt alias eiusdem generis leges interpretemur, negando ipsis talēm obligationem: responderi potest, peculiarem fuisse causam rigidæ interpretationis verbū præceptiū in regula S. Francisci: nempe (vt Nauarri verbis utrū) & quod positum in ore tam magni sancti, ^{k in cit. cap.} & auctoris tam sanctæ & arcta regulæ, & ad subditos tantæ perfectionis, & asperitatis, meritò iudicati debeat usurpatum rigidè iuxta communem iuris Ecclesiastici vslum.

Documen

Documentum ultimum de legis humanae
cessatione ab obligatione ad mortale
cessante illius causa.

SECTIO VLTIMA.

^{29.} Postremum documētum, quod habet Alphon-
^{1 cap. 5. vbi} sus à Castro in lib. 1. de lege pœnali 1. legem hu-
illud facit 3. manam, quæ propter aliquam causam obligat trā-
Lex cum iu- gressorem ad peccatum mortale, cessante tali ca-
sta causa sa, non inducere amplius eiusmodi obligationem.
obligans ad Ratio est quia ut lex obligans ad mortale ferri non
mortale, ea cessante nō potuisset, nisi iusta adfuisse causa talis obligationis
obligat.

ita nec lata manere potest cum tali obligatione,
nisi manente tali causa: quia cessante causa, cessat
& effectus. cap. Cūm cessante. de appellationibus
Itaque si propter graue scandalum, quod ex aliquo
facto timetur, ipsum sub pœna peccati mortalis
prohibetur; cessante omni talis scandali occasione,
cessat & talis legis obligatio. Præterea si non ex-
tent amplius iustæ causæ, propter quas constat legi
esse imposita aliqua tributa, cessat & obligatio illa
soluendi: ut plenius ibidem explicat Alfonsum
Qui etiam de duobus admonet; alterum est, intel-
ligendum esse hoc documentum de cessatione
totalis causæ legis; neque enim cessante causa par-
tiali cessare legem: nisi fortè sit talis causa, ex qua
legis obligatio ita pendeat, ut ea ad hanc inducen-
dam per se sufficiat, omni alia causa seclusa. Alte-
rum est eam cessationem contingere posse, vel vni-
uersè; ut quando totalis ipsa causa legis omnino
tollitur; vel in aliquo particulari, ut quando aliquo
rationabilem sufficientemque causam habet, cur i
comm

communitatis legis obligatione eximatur, de quibus videre possunt plura in praxi fori pœnit. 3. part.

tom. I. lib. 3. m Sufficit autem hic addere ex ipso Alphonso; n tunc siue cessatio vniuersè, siue in particulari contingat, posse quemque licet (nisi obstat scandalum, quo debita superiori obedientia videatur ei denegari) contra legem agere. Intellige verò, supposito quod res clara fuerit, seu aperte cōstiterit rationabilem causam adesse, ob quam si legislator præsens esset, omnino decerneret, aut decernere deberet, legem suam non esse seruandam. Nam si dubia sit cessatio causæ legis; vt contra hanc licet agi possit, ne nos in nostra causa (quod facile est) decipi contingat, recurrendum est ad superiorem, qui potestate habet in lege ipsa dispensandi. Quomodo D. Thom. 2. 2. o id hoc habetur ex ^o qu. 120. leg. 1. Cod. de legibus: Nemini nisi principi licere legis interpretationem dare, explicat inquiens, interpreta-^{art. 1. ad 3.} Nemini nisi Principi le-^{tionem locum habere in dubiis, in quibus non li-}gis inter-^{cet absque determinatione principis à verbis legis} pretationē^{dare licet,} recedere: in manifestis autem non esse opus inter-^{recedere: in manifestis autem non esse opus inter-}pretatione, sed executione.

Quarta pars capitinis, in qua traduntur reliquæ regulæ iudicandi de peccato, num sit mortale, an veniale, cum quibusdam additionibus eodem spe- et tantibus.

S V M M A R I V M.

31. *Pro regulâ iudicandi de peccatis haberi potest traditio virorum doctorum: & communis usus priorum.*

32. *Duo*